

Pa: Menbrus di komitê di skolas Publikas di Boston
Di: Superintendente en izersísiu, Dr. Drew Echelson
Data: 29 di agostu di 2022
Ref.: Abertura di skolas Publikas di Boston pa anu letivo 22-23

Es memorando é un vizon jeral di apresentason di es noti pa komitê di skolas sobri regresu pa anu letivo 2022-2023. Nos atualizason ta djuda menbrus intendi planus ki nu tene pa alunas, famílias i funsionários di Skolas Publikas di Boston (BPS) pa un sólido inísiu di anu letivo.

Nbora nu ta akredita ma nu ta ten un bon primeru dia, nos preokupason más grandi é sobri pesoal i transporti, má nu sta avansa na direson serto. Nu ta atualiza nhos sobri nos prugresu i planus na kes árias li duranti es aprisentason. Nu ta da nhos un atualizason tanbé na:

- **Pesoal**
- **Transporti**
- **Servisus di alimentason i nutrison**
- **Edifisius**
- **Planiamento i preparason di COVID-19**
- **Designason di alunu pa un skola**
- **Alkansi i envolvimentu**
- **Akadémikas**

Visto ki es apresentason ten atualizasons di trabadju kontínuo di varius departamentos pa preparason pa un abertura ben-susedidu di skolas, kada departamento ta inklui konsiderasons xavis i stratéjias di ekuidadi na ses relatórios ditalhadu di departamento na futuro, envez di konbina es sforsus na un úniku deklarason di inpaktu di ekuidadi.

Pesoal

Kondutores i supervisores di autokaru, trabadjadoris di servisus di alimentason i alguns *paraprofessionals* ta kontinua ta ser kes prinsipais vagas ki nu mesti prienxi. Nu sta trabadja pa insentiva postu di kondutores i supervisores na autokaru i faze planus di kontinjensia pa garanti ki alunas ki designadu un supervisor na autokaru resebi servisus nesisários.

Kontrata profesores di siensias di liseu i profesores di ESL tanbé ten sido un disafio. Observa ma varius skolas sta na es momento ku un grandi numero di vagas di profesores, má distrito sta ta trabadja en diretu kolaborason ku es skolas pa kontrata pesoal nesisário pa primeru dia di aulas.

Transporti

Nu ta kontinua ta alavanka nos Akordu Koletivo di Trabadju ku Sindikato di kondutores, ki ta furnesi novus oportunitadís pa midjor atendi nos alunos. Nu sta trabadja 24 óras pur dia ku nos parserus di sidadi i di MBTA pa kolabora i minimiza interupsons duranti enseramentu sen presedenti di linha laranjadu di metro pa stadu, i nu ta kontinua ta midjora efisiensias operasionais ki ta djuda leba nos alunos pa skolas ku siguransa i na óra. Ekipa di transporti di BPS ta kontinua ta trabadja na rotas i designasons di autokarus, ekipa di atendimento pa klienti i preparasons pa parkes di stasionamentu di autokarus.

Servisus di alimentason i nutrison

Nos apresentason ta inklui un atualizason na nos novu vendedor, City Fresh Foods, ben komu un relatorio di nos planus pa entrega di alimentus na skola nbora ku falta di pesoal.

Edifisius

Pa garanti ki nu ten un anu letivo ben susedidu, kada un di nos edifisius di skolas debi sta siguru i akolhedor. Es veron, nos skolas pasa pa un profundu linpeza i dizinfeson, ben komu txeu melhorias di dentu i di fora. Tanbé nu konpleta varius prujetos di reforma di skolas, anpliasons i otus atualizasons ki ta inklui spasus di dentu i di fora, sima kasas di banhus, entradas, stasionamentus i parkes pa brinka.

Kolokason di Alunu/Alkansi i Envolvimento

Nu ta analisa nos numeros atuais di kolokasons di alunos i sforsus pa alkansa-s i nu ta atualiza nhos sobri piku di matrikulas di distrito na agostu. Desdi 24 di agostu, un total di 50.980 alunos staba matrikulado na skolas di BPS. Es numero ta kontinua ta muda enkuanto ki alunos ta inskrevi ô ta sai di skola. Numero di inskrison formal ta sta dispunivel na 1 di otubru.

Nu ta kontinua ta txoma famílias ki sta na lista di spera pa skolas ki tene vagas aberto. Sforsus di alkansi di família i di komunidadí é kontinuo i ta inklui promuson di registro di studantes. Novu linha di ajuda di BPS sta funsiona i programa anual di Jardim Infantil di *Countdown to Kindergarten* sta totalmente en andamento ku 30 iventos di bairu i selebrason na sidadi interu na tersa-fera, 30 di agostu.

BPS tanbé sta realiza dós runions komunitários virtuais di regresu pa aulas pa oferese famílias oportunitadí di konxi novu Superintendente i sabe más sobri modi ki nu sta prepara skolas pa tudu nos alunos. Runions sta markadu pa kinta-fera 1 di setenbru, 6h00 di tardi i sabado 10 di setenbru 10h00 di palmanha.

Planiamento i preparason di COVID-19

Un ekipa multifunsional di representantes di BPS i di Komison di Saúdi Publika di Boston ta reúni três dias pa semana pa garanti ki nu sta na kaminhu sertu ku tudu nos planus di COVID-19 pa komesu di aulas. Nos planus ta inklui testes pa alunos i funsionários, distribuison tudu semana di testes pa leba pa kasa, testes sintomátikus, klínikas di vasinas i edukason, i nos pulítika di uza

maskara. Tanbé nu sta konsentra na garanti ki skolas ten kualidadi i ventilason adekuanu di ar i operason di purifikadores di ar i sensores di kualidadi di ar.

Akadémikas

Nos novi regions eskolares i superintendentes eskolares sta prontu pa resebi alunas di volta pa sala di aula i furnesi apoio pa nos edukadores ku un Foku Instrusional di Alfabetizason Ekuitativa.

Tanbé nu sta da apoio pa alunas ku difisiensia i alunas ki ta fala txeu linguas. Nu stabelesi un site satélite tenporário di Sentru di Akonselhamento i Avaliasion di Resen-chegados na East Boston i atualmente nu sta atualiza nos pulítika di edukason spesial i manual di prusedimentos. Novu akordu koletivo di trabadju ku sindikadu di profesores di Boston ta permitinu avansa di forma agresiva i ponderada na nos trabadju di inkluson. Nu ta informa nhos sobri stabelesimento di nos primeru koorti di 20 a 25 skolas ki ta kria planus di inkluson pa ses skolas i ekipas di inkluson multifunsional ki ta aborda bareras sistêmikas asin pa nos sistema bira más inklusivo na ses skolas individuais.